



NAFARROAKO PARLAMENTUKO

ALDIZKARI OFIZIALA

X. legegintzaldia

Iruña, 2020ko apirilaren 23a

47. ZK.

A U R K I B I D E A

A SAILA:

Foru lege proiektuak:

—Foru Legea, zeinaren bidez 409.637 euroko kreditu berezi bat ematen baita “Gizarte Zerbitzu Publikoak kudeatzeko Nafarroako Gizain Fundazioa” izeneko 900003-91600-4300-231500 partida berrian. Osoko Bilkurak onetsia (2. or.).

H SAILA:

Bestelako testu arau-emaileak:

—3/2020 Foru Lege-dekretua, apirilaren 15ekoa, premiazko neurriak onesten dituen koronabirusaren (COVID-19) osasun krisiak eragindako inpaktuari aurre egiteko. Osoko Bilkurak baliozkotu du (3. or.).

A saila:
FORU LEGE PROIEKTUAK

Foru Legea, zeinaren bidez 409.637 euroko kreditu berezi bat ematen baita “Gizarte Zerbitzu Publikoak kudeatzeko Nafarroako Gizain Fundazioa” izeneko 900003-91600-4300-231500 partida berrian.

OSOKO BILKURAK ONETSIA

Nafarroako Parlamentuak, 2020ko apirilaren 21ean egindako Osoko Bilkuran, honako foru lege hau onetsi zuen: “Foru Legea, zeinaren bidez 409.637 euroko kreditu berezi bat ematen baita “Gizarte Zerbitzu Publikoak kudeatzeko Nafarroako Gizain Fundazioa” izeneko 900003-91600-4300-231500 partida berrian”.

Legebiltzarreko Erregelamenduko 146. artikuluan ezarritakoa betez, argitara dadin agintzen da.

Iruñean, 2020ko apirilaren 21ean

Lehendakaria: Unai Hualde Iglesias

Foru Legea, zeinaren bidez 409.637 euroko kreditu berezi bat ematen baita “Gizarte Zerbitzu Publikoak kudeatzeko Nafarroako Gizain Fundazioa” izeneko 900003-91600-4300-231500 partida berrian

ATARIKOA

Eskubide Sozialetako Departamentuak eskatu du sortzea, 2020ko gastu-aurrekontuan, “Gizarte Zerbitzu Publikoak kudeatzeko Nafarroako Gizain Fundazioa” izeneko 900003-91600-4300-231500 partida, 409.637 euroko zenbatekoa duena.

Nafarroako Ogasun Publikoari buruzko apirilaren 4ko 13/2007 Foru Legearen 48. artikulua ezartzen du ezen, hurrengo ekitaldira arte berandutu ezin daitekeen gasturen bat aurrekontu indar-

dunaren kargura egin behar bada eta krediturik ez badago, Nafarroako Gobernuak, Ekonomia eta Ogasuneko kontseilariak proposaturik, foru lege proiektu bat bidaliko diola Nafarroako Parlamentuari, aparteko kreditu bat ematekoa. Halaber, bigarren paragrafoan xedatzen du kreditu berezia finantzatzen ahal dela edozein gastu programetan erabilgarri dagoen kredituarekin.

1. artikulua. Aparteko kreditu bat ematea.

2020ko ekitaldian 409.637 euroko zenbatekoa duen kreditua ematen da, Fundazioak 2020ko urtarrilean eta otsailean izandako gastuen konpentsazio gisa.

Aurrekontuko “Gizarte Zerbitzu Publikoak kudeatzeko Nafarroako Gizain Fundazioa” izeneko 900003-91600-4300-231500 partidari egotziko zaio kreditu hori, 409.637 euroko zenbatekoa duena.

2. artikulua. Aparteko kredituaren finantzaketa.

Aparteko kreditu hori, 409.637 euroko zenbateko horrekin, finantzatuko da indarrean dagoen gastu-aurrekontuko “Mandatu Gizarte Zerbitzu Publikoak kudeatzeko Nafarroako Gizain Fundazioari” izeneko 900003-91600-2279-231500 partidari dagoen kreditu erabilgarriaren kargura.

Azken xedapen bakarra. Indarra hartzea.

Foru lege honek Nafarroako Aldizkari Ofizialean argitaratu eta biharamunean hartuko du indarra.

H saila:
BESTELAKO TESTU ARAU-EMAILEAK

3/2020 Foru Lege-dekretua, apirilaren 15koa, premiazko neurriak onesten dituen koronabirusaren (COVID-19) osasun krisiak eragindako inpaktuari aurre egiteko.

OSOKO BILKURAK BALIOZKOTU DU

Nafarroako Parlamentuko Osoko Bilkurak, 2020ko apirilaren 21ean egindako bileran, baliozkotu zuen 3/2020 Foru Lege-dekretua, apirilaren 15koa, premiazko neurriak onesten dituen koronabirusaren (COVID-19) osasun krisiak eragindako inpaktuari aurre egiteko. Foru Lege-dekretua 2020ko apirilaren 17ko 80. Nafarroako Aldizkari Ofizialean eta 2020ko apirilaren 17ko 46. Nafarro-

ako Parlamentuko Aldizkari Ofizialean argitaratu zen.

Legebiltzarreko Erregelamenduko 114.1 artikuluan ezarritakoa betez, erabaki hau argitara dadin agintzen dut.

Iruñean, 2020ko apirilaren 21ean

Lehendakaria: Unai Hualde Iglesias

